



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Sancti Petri Latiniacensis & Caroli loci Abbatibus Parisiensis &  
Silvanectensis diocesum, & Decano Silvanectensi.

**urn:nbn:de:hbz:466:1-20020**

confessione ipsius constiterit quod in Capitulo præstiterat juramentum ne debitum de novo contraheret, ac postea contraxerit debitum contra juramentum proprium veniendo, sicut testes deponunt, argui de perjurio videbatur. Ad quod idem W. hoc modo respondit, quod et si primò hujusmodi præstiterit juramentum, postea tamen quoddam factum fuit in Capitulo constitutum, per quod juramentum ipsum extit relaxatum. Sed contra hoc pars altera replicavit, quia cum non constiterit quod per tale statutum revocatum fuerit juramentum, & appareret eundem W. non solummodo juramentum de debito non contrahendo præstasse, sed venisse postea contra illud, manifestè liquebat ipsum reatum perjurii incurrisse. Sed & ipsius insufficientia & negligentia dissoluta videbantur manifestè probari. Et quamquam aliqui testium eum, quantum in se, dixerint esse bonum, nulli tamen depo-suerunt expressè quod utilis esset ejus provisio monasterio spedie. Cum ergo nobis de talibus fuerit sufficiens in tali negotio facta fides propter qua præfatus W. erat meritò amovendus, et si restituendus foret propter judicarii ordinem non servatum, ob causas tamen prædictas ipsum providimus manere privatum regimine abbatie; Iohannem nihilominus supradictum, quem pro eo quod, præfato W. propter juris ordinem non servatum quodammodo inordinate remoto, intelleximus ob eandem causam per consequentiam mintis legitimè substitutum, per sententiam amoventes: quem quia non propter personam vitium vel defectum, sed propter juris solemnitatem, sicut præmissum est, prætermittam amovimus, ipsum postmodum restituimus in Abbatem, & memorato W. in loco qui dicitur Guido cum pertinentiis suis in imperio constitutis jussimus provideri, ita videlicet quod ibi cum uno Corbeiensi monacho commoreretur, & censum quinque marcorum ad pondus Coloniese in felto Purificationis beatæ virginis Abbatii & successoribus suis annuatim persolvat, & personatis ac Ecclesiæ ejusdem balivæ jambiæ Abbatis & successorum suorum donationi liberae reservatis, eisdem fidilitates & homagia liberorum hominum eorundem locorum debeant exhiberi, ac in juramento fidelitatis quod eisdem fuerit præstitum exprimetur quod iidem homines supradictum W. super suæ provisionis preventibus nullatenus damnificare præsumant, ita videlicet quod & ipse W. super

indemnitatem prædictæ balivæ, ne ipsam dilapidet, corporale præbeat juramentum. Si quid autem post sententiam nostram super utriusque amotione prolatam circa electionem Abbatis, quam in prolatione ipsius sententiae nostræ duximus providentia referrandam, à Corbeiensibus monachis vel quolibet alio in ejusdem Abbatis præjudicium fuerit attentatum, id decernimus non valere. Quocirca discretioni vestrae per apostolica lcripta mandamus quatenus quod à nobis est pro ipsius monasterij utilitate provisum faciatis appellatione remota inviolabiliter observari, corrigentes circa Priorem & monachos & prioratus monasterij memorati cum consilio Abbatis ipsius quæ secundum Deum & beati Benedicti regulam fuerint corrigenda, & statuentes ibidem quod regulare fuerit & honestum, contradicentes, si qui fuerint, vel rebelles per censuram ecclesiasticam appellatione postposita compescendo. Quod si non omnes &c. duo veltrum ea nihilominus exequantur. Datum Laterani v. Kalend. Martij, pontificatus nostri anno tertio decimo.

*SANCTI PETRI LATINIACENSIS  
& Caroli loci Abbatis Parisensis & Silvaneiensis diocesum, & Decano Silvaneiensi.*

**C**VM sicut dilectus filius Abbas Corbeiensis nostris auribus intimavit, Epist. 4.  
monasterium sibi commissum in spiritualibus & temporalibus non modicam incurrit læsionem, discretioni vestra per apostolica scripta mandamus quatinus ad ipsum personaliter accedentes, ad levamen ipsius monasterij ac prioratum ejus monachos quos & quod transferendos videritis, potestate seculari ad hoc, si opus fuerit, invocata, donec monasterium respirare valeat inter angustias imminentes, in aliis monasteriis ordinis consimilis collocetis, duos aut tres religiosos monachos, quos de alienis monasteriis duxeritis evocandos, ad reformationem ordinis inducentes ibidem, & Abbates nihilominus ad quorum Ecclesiæ ipsos duxeritis transmittendos ad receptionem eorum, si necesse fuerit, censura canonica sublatæ appellationis obstacle compellentes. Quod si non omnes &c. duo veltrum &c. Datum Laterani v. Kalend. Martij, anno tertio decimo.

